



## საქართველოს იუსტიციის უმაღლესი საბჭო

ქ. თბილისი № 1/58

“ 17 ” ივნისი 2021 წ.

### ბ ა ნ კ ა რ ბ უ ლ ე ბ ა

ე. ჯინჭველაშვილის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ეკატერინე ჯინჭველაშვილი 2021 წლის 18 ივნისიდან გამწესდეს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

## დასახუთება

### ეკატერინე ჯინჭველაშვილის თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის 7 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 24 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ეკატერინე ჯინჭველაშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

#### **კანდიდატის შესახებ მოძიებული ინფორმაცია:**

ეკატერინე ჯინჭველაშვილს აქვს სპეციალობით მუშაობის 18-წლიანი, მათ შორის მოსამართლედ მუშაობის 9 წლისა და 1 თვის გამოცდილება. იგი საერთო სასამართლოების მოსამართლეა 2012 წლის 5 მარტიდან. ეკატერინე ჯინჭველაშვილი სხვადასხვა დროს მუშაობდა ქუთაისის საოლქო სასამართლოსა და საქართველოს უზენაეს სასამართლოს აპარატში სხვადასხვა თანამდებობაზე; იყო ბათუმის საქალაქო სასამართლოს მოსამართლე. ამჟამად იგი არის თბილისის საქალაქო სასამართლოს ადმინისტრაციულ საქმეთა კოლეგიის მოსამართლე.

ეკატერინე ჯინჭველაშვილს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 1277 საქმე (საშუალოდ დღეში 1,3 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 82,3%. ეკატერინე ჯინჭველაშვილს, მიუხედავად დატვირთულობისა, აქვს საქმეთა განხილვისას საპროცესო ვადების დაცვის საკმაოდ მაღალი მაჩვენებელი, კერძოდ, მას საქმეთა 86,8% განხილული აქვს საპროცესო ვადების დაცვით.

#### **კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ეკატერინე ჯინჭველაშვილს გაესაუბრნენ 2021 წლის 4 ივნისს. გასაუბრება წარიმართა ღია სხდომაზე.

**კანდიდატის შეფასება:**

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ეკატერინე ჯინჭველაშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

ეკატერინე ჯინჭველაშვილის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ეკატერინე ჯინჭველაშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1019 ქულა, რაც ქულების მაქსიმალური რაოდენობის 84,92%-ია.

**კენჭისყრის შედეგები:**

2021 წლის 17 ივნისს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის მე-7 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, ეკატერინე ჯინჭველაშვილმა მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 18 კანდიდატი, მათგან 4 მოქმედი პირველი ინსტანციის მოსამართლე, 1 ყოფილი მოსამართლე და 13 იუსტიციის უმაღლესი სკოლის ყოფილი მსმენელი, კერძოდ:

- |                                  |                                       |
|----------------------------------|---------------------------------------|
| 1. ბუგიანიშვილი ვალერიან - 0 ხმა | 10. ვაპანაძე თორნიკე - 0 ხმა          |
| 2. გზირიშვილი ალექსანდრე - 0 ხმა | 11. კაჟაშვილი ლიანა - 0 ხმა           |
| 3. გოცირიძე კობა - 0 ხმა         | 12. მაკარაძე დავით - 0 ხმა            |
| 4. ელიაძე ეკატერინე - 0 ხმა      | 13. ტყეშელაშვილი ირინე - 0 ხმა        |
| 5. ენუქიძე ნინო - 0 ხმა          | 14. ტყეშელაშვილი რომეო - 0 ხმა        |
| 6. ზვიადაძე გიორგი - 0 ხმა       | 15. ყოლბაია ლევან - 0 ხმა             |
| 7. თოდუა უჩა - 0 ხმა             | 16. ჭილაია კოტე - 0 ხმა               |
| 8. თუნაური გიორგი - 0 ხმა        | 17. ჯავახიშვილი მაია - 0 ხმა          |
| 9. კალანდაძე თეა - 0 ხმა         | 18. ჯინჭველაშვილი ეკატერინე - 11 ხმა. |

1 ბიულეტენი გაბათილდა.

**დასკვნა:**

კანდიდატ ეკატერინე ჯინჭველაშვილის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებდა აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა ეკატერინე ჯინჭველაშვილი.

ნიკოლოზ მარსაგიშვილი  
საქართველოს იუსტიციის უმაღლესი საბჭოს მდივანი

